

黎氏家譜

卷一至卷三

雅
瑤
黎
民
家
譜

卷一
至
卷三

羅一峯先生序

倚歟黎氏。以祿仕開基。上寵三恩。光垂百代。爲南昌望族。旣而清臣寵異。馳驅皇路。宣職南雄郡守。因官卜籍。居於雄之宗敬巷。愉怡其美。宏擴井阡。黎氏所由始也。繼而支派多出。各籍分居。古岡迷有清溪之黎。支延蔓引。實葳其蕤。陳門鄭里。庶幾可追。易曰。積善餘慶。亶其然乎。以黎氏濟濟吉士。明揚繼起。此非詒謀燕翼。有所自來。而仁人孝子。所仰追慕者歟。乃先取所傳之譜。祖功宗德之隆。存而脩飾之。支派罔紊。昭穆不紊。

黎氏家譜

卷一

羅一峯先生序

三

瓜瓞其綿。麟趾迭慶。莫不於茲永賴矣。

旨

大明成化十三年歲次丁酉夏五月賜進士及第翰林院脩撰永豐羅倫頓首拜撰

許教授序

粵稽自古昔名家巨族。莫不有譜。猶國之有乘也。以誌世系之自始。識子孫之蕃衍。凡尊卑之序。親疎之等。及推祖宗功德之隆。累世勤苦之勳。俱於譜是賴。仁人孝子。所以聯疎爲戚。而廣仁孝於無窮。垂休芳於萬禩者。舍譜曷由哉。余邑清溪里。有黎姓者。邑稱望族云。遡厥自始。則自高陽氏之子卷章。卷章生黎。其後以字爲姓。錯居江南等處。名人傑士。彬彬輩輩。尙矣。至宋之朝。有太祖翁黎仁。仁生黎直。直生黎安。安生黎相。黎同。同生

黎氏家譜

卷一 許教授序

四

子周。以鄉科進士起家。出知南雄府。政教彰著。任滿後。就居南雄之宗敬巷。生四子。曰春禾。曰夏禾。曰秋禾。曰冬穀。泰定元年。因避亂遷居。春禾携子黎光。與三孫卜居於古岡。不幸黎光早逝。三孫暨彬佑。尙賴祖撫育成。人後各分籍而居。數百年來。藹藹雲初。其間碩德耆望。濟濟青衿。指不勝屈。惟族譜未脩。誠爲闕畧。今有十七世孫會太。念世系之彌遠。憫宗法之散佚。慨然有本本水源之志。旦夕皇皇。殫厥心力。自太祖以前。畧其所未知者。自春禾以後。詳其所可知者。凡宗支昭穆。存歿脩

短。遠。邇。婚。一。氏。族。罔。不。詳。錄。及。有。行。誼。燕。翼。可。爲。後。世。法。者。亦。登。載。不。遺。則。會。太。用。心。誠。週。矣。孝。思。誠。遠。矣。夫。水。之。流。也。萬。派。殊。奔。而。必。歸。於。河。河。乃。水。之。源。也。山。之。峙。也。萬。嶽。異。形。而。必。本。於。華。非。乃。山。之。宗。也。溯。其。源。探。其。宗。君。子。於。是。有。敬。祖。睦。族。之。義。焉。黎。氏。之。子。若。孫。得。是。譜。而。存。之。則。尊。卑。親。戚。一。目。瞭。然。自。然。興。孝。悌。篤。本。支。而。敦。厚。倫。常。紹。述。先。德。大。元。厥。宗。有。光。於。前。人。俾。太。守。之。遺。澤。寢。昌。寢。熾。豈。非。京。兆。氏。一。大。美。哉。則。家。譜。之。脩。嘉。惠。後。裔。其。功。不。可。泯。矣。不。佞。於。黎。氏。有。世。嫡。之。誼。

茲因會太之請而爲之序。

大明崇禎十六年歲次癸未孟秋吉日原任潮州府儒學署教諭事後補府教授序選知縣事許應運頓首拜撰

二世太祖自序

吾宗始於顓頊之世。顓頊娶鄒屠氏之女生駱明蒼舒等。又娶勝瀆氏之女生卷章。卷章娶女嬌。生黎及回。顓頊命北正黎司地。以屬民。其後以字爲氏。已經多世。散派各方。不盡詳錄。惟豫章南昌府城東清溪里有太祖翁。諱仁者。官至刑科給事。爲吾始祖也。生高祖。諱直。直生曾祖。諱安安。生伯祖。諱相。支派南昌舊居。次爲祖考。諱同。同生考。諱子周。宣職南雄府知府。任滿居於雄之宗敬巷。後因避諱改珠璣巷。考生余兄弟四人。長卽余流。字春黎。氏家譜。卷一。二世太祖自序。六。

禾次潔。字夏禾。三源。字秋禾。四清。字冬穀。泰定元年四月。余與諸弟起遷。同賣田地三十七頃。均分。下古岡州居住。到清遠灘頭。被狂風雨。船隻淹沒。財物一空。余獨一男名光。不幸溺於水。尙有三孫。疊彬佑。俱幼。吾行年八十有五。恐後不知宗派所自。出。今特書此。與三孫收執。以貽來世。無忘厥本也。

皇元泰定元年甲子歲仲冬吉旦。春禾親筆書。

旭升祖嘉慶元年重修家譜小序

乾坤奠而父子生。卽似續行焉。此宇宙間大事也。故五世不脩譜。前賢目爲不孝。誠以上追祖宗。下聯宗族。廣孝思於無窮。播和睦於百世。莫不於譜乎。是賴我祖宗以祿仕開基。由皇元泰定始遷古岡。五百餘年以來。累世勤苦之勲。宗支盛衰之迹。惟藉一譜以誌之。歷觀先世脩茲譜者。苟得其詳。則世系瞭然。稍或殘闕。則父子相失。其所關豈淺鮮哉。先嚴蘊玉翁。天性仁孝。存心宗族。屢以前世脩譜。未得其人。故缺畧多端。命

加考訂。彌縫其闕。奈以連年舌耕。有志未逮。歲在乙卯。先嚴棄世。余守制居鄉。讀禮之餘。因念欲成先志。莫大於脩譜。迺取所傳家譜。詳加考訂。并令各房自列本支。以彙其全。歷歲餘而稿始定。其間有爵可尊。有行可嘉。必登載不遺。以爲後世所取法。至先世闕畧。無所考證者。卒亦無可如何。仍其舊而已。雖克成先志。不敢妄擬。然於祖宗淵源之所自出。里居之所由遷。以及支派分統。子姓蕃衍。亦彰彰可考矣。閱茲譜者。興孝思。睦宗族。無忘似續之志。是又余之所厚望也夫。

嘉慶元年歲在丙辰冬月至日二十世裔孫曰明旭升
氏頓首拜撰

男如棧
羽儀建璵全校

脩譜條款列左

一圖必牽絲聯氣脉也。

一父子相繼則直書父上子下位尊卑也。

一兄弟比肩橫書兄先弟後序長幼也。

一五世親盡則再提頭綿瓜瓞也。

一遷徙失傳註明遠出俟後填也。

一新歸宗者非詳審確實不敢輕書衛宗祊也。

一無嗣者則書絕字防冒續也。

一出繼本宗者止於所生下書明出繼某若其子則書

於所繼之下正房分也。

一出繼外鄉者止書出繼某其子孫則不書嚴宗派也。

一有賢德才能功勳爵祿者詳加採錄寓勸勉也。

一譜必書諱某字某某號妣某氏係某鄉人葬某處及生

終年月日時一切註明方爲合款茲譜前十餘世或僅

書一名或僅書一字卽妣某氏亦多闕畧大爲失體余

歷詢各房追求各家私譜凡可考者必詳書明以補其

闕後之脩譜者慎勿擅行減省以取罪戾至生終年月

因尺幅甚隘不能盡書余於本房另脩小譜以記之

黎氏家譜

卷一

九

此譜修成四本每本分上下兩卷特置森木梗板箱貳
個交元吉房收貯譜貳本元安房收貯譜貳本以垂
久遠

二十世裔孫曰明作培謹識

我情溪黎氏族譜自嘉慶元年丙辰 旭芳祖重脩多
歷年所同治乙丑卽議再脩惟 以舌耕爲業未能專
注光緒丁亥一連五年又蒙古都公推辦理局務以故
有志未逮迄壬辰年已六十六矣自忖桑榆晚歲爲日
無多倘不卽脩後代更難考據爰集眾議依 旭升祖
所脩家譜模樣詳列祖功宗德以垂法式於後人脩成
卽付梓人多印十數本任各人領歸藏家俾覽觀之下
感動天良咸知忠孝友悌禮義廉恥之重且知某人有
功德子孫蕃昌是卽天道之所由昭人心之所由善也

黎氏家譜

卷一

十

古人云家之有譜猶國之有史家譜之稱接不苟卽國
史之紀實攸關是譜所載悉有証據並非妄議禮曰祖
宗無其美而稱之是誣也有美而不傳非孝也闕斯譜
者其亦諒余之用心也夫

光緒十八年歲在壬辰仲秋二十三世裔孫日華儷雲
氏頽首拜撰

余脩譜既成。欲再輯黎氏家乘一卷。以昭勸勉。暉之
兄命作小序。彙誦清芬。俾後人有所法守。不揣固陋。成
此弁言。

粵自侯封北正。高陽之偉績斯傳。宅定西方。和仲之殊
猷聿建。祝融垂爲祀典。禮著其文。女嬀表厥母儀。史稱
其德。天下之通不止。神民莫見其分途。歲時之象未明。
堯舜奚從而敷治。淵乎鑠哉。黎氏之功。萬世永賴矣。厥
後楚地分藩。程鄉襲職。休父奮徐方之烈。鬻熊爲王者
之師。或受爵於容城。或鐫勳於京兆。死生不變。交情特

黎氏家譜

卷一

士

重於香山。正直無私。史筆堪追。平董氏。繫高風之可慕。
皆前代之所推。逮乎皇宋。蔚起名賢。分支愈遠。別派彌
綿。景祥繼起。待舉開先。六君同享於惠陽。江河不廢。二
程閒生於伊洛。日月常懸。偕游楊而講論學庸。立武固
微言克闡。後黃蔡而搜羅語錄。靖德亦與義能宣。正不
獨騶從相隨。幹也從容於庶尹。鴻臚首唱。錚也袖領乎
羣仙。大明而後。代有芳型。永豪爲我族之良材。二來乃
吾宗之美士。一門三賢。節水雲之家法。誰如四代五鄉
賢。瑤石之榮名更顯。稊坡子之釣臺如昨。實開紫水先聲。

秉絃翁之古禮猶存。克振黃雲後勁。美周昆玉。無慚忠
蓋之稱。行俟楷模。曷愧鄉閭之望。黃牡丹兮播譽。比之
大狀增榮。紅粉女兮呼名。視若嫦娥報喜。此固邦家之
慶。豈徒族黨所稱。而况宣猷北省。刑科戴獬豸之冠。奏
績南雄。太守揚花驄之轡。伯原氏集成漁唱。多士奉爲
儀型。仲輝公節著司徒。舉朝生其畏憚。是吾祖也。尤宜
數典而勿忘。迄至聖朝。人才愈盛。杏林賜宴。先數翼
之松栢。建祠專資。溢海蜚聲。翰苑喜德符之奮興。提督
軍門。欣大剛之崛起。南宮競爽。厥惟寶森崇基。東莞揚

輝有若半樵子駿。文字冠詞林之首。瑞紀庚申。武臣聯
侍衛之班。榮膺乙丑。他如鳳樓則兄弟同登。玉署鵬飛
則父子共躍。金鞍。字中挺秀於河源。光曙留題於詞館。
平匪多方。黔首有專祠之祀。議和不苟。親王聽保國之
謀。斯皆耀祖光宗。可以澤今傳後者也。華愧菲材。莫追
芳躅。濫貢選於四傳。忝書香之十代。積嘗訓俗。夙仰高
曾。教子授徒。洪惟祖考。養遺烏鳥。趨庭尙憶心傳。譜繡
鴛鴦。展卷敢忘手澤。聽倫常鑑之詔示。比若圭璋。幸續
師說之編成。視同珍寶。陶情有自。詩歌之感發。良多爲

學須知。性理之提撕不少。茲當重陽令節。脩譜餘間。有
美必傳。無功不紀。食前人之舊德。草心則報答何能。誦
先代之清芬。蕊意則滋生莫遏。可奈寸毫所抒。莫闡幽
光。聊將尺牘所存。用彰盛節。所望篤生賢喆。養育中才。
佩曉祖之良言。敦省軒之孝行。礪扶經之節操。式醇仰
之謙光。效裕叔之從師。法申公之慕道。貽厥孫謀。松堅
柏茂。繩其祖武。椒衍瓜繇。耕讀雖殊。同遵矩矱。工商或
異。各衍箕裘。將清溪賡飛鳳之章。茶園卜見龍之慶。仿
燕山之韻事。五桂齊攀。追王氏之芳蹤。三槐早植。顯宦

長依於直北。藩王詎讓平安南。鴻猷遠播於八紘。駿業
遙傳於萬禩。洵可樂也。豈不懿歟。

皇清光緒十八年秋九月二十三世裔孫日華儷雲氏頓
首拜撰時年六十有六歲

黎氏家乘

綱鑑 顓頊皇帝遷于高陽。故號高陽氏。帝娶勝濱氏。生卷章。卷章娶女嬌。生黎及回。黎與回代爲祝融於高辛之世。故因以爲氏。

古者民神異業。是以禍災不至。而財用不匱。自少昊之衰。九黎亂德。民神雜糅。不可方物。家爲巫史。無有要質。民瀆于祀。嘉生不祥。無物以享。禍災薦臻。莫盭其氣。顓頊乃命南正重司天以屬神。北正黎司地以屬民。絕地通天。無相侵瀆。革九黎之亂。神人不雜。萬物有序。民安

黎氏家譜

卷一

古

其生焉。按南正北正官名。封侯爵。重少昊第四子。卽勾芒也。黎高陽孫。卽祝融也。司天如治。厯明時之類。屬神謂明祭祀以聯屬之。司地如度地居民之類。屬民謂明政教以聯屬之。務使神不侵民。民不瀆神也。

書經 乃命羲和。欽若昊天。厯象日月星辰。敬授人時。按羲爲重之後。和爲黎之後。堯念重黎之功。使羲仲羲叔居東南方。和仲和叔居西北方。觀星測日。以定歲時。而萬世奉以爲法。

高辛爲文王師。其後封于楚。皆黎公子孫。

六雅常武篇曰王謂尹氏命程伯休父左右陳行戒我師旅率彼淮浦省此徐土不留不處三事就緒言王命尹吉甫。命程伯名休父爲司馬統兵伐徐也。程伯周大夫封干程乃黎公子孫二程子其後裔也。

唐史黎幹爲京兆尹當郭子儀爲相時騶從甚盛聞楊綰爲相卽日省之止存十騎時人以爲豐儉得宜京兆尹黎幹奏秋霖損稼韓滉奏幹言不實上命御史按視還奏所損凡三萬餘頃渭南令劉澡附滉稱縣境不損上曰霖雨溥博豈得謂渭獨無更命御史朱傲視之

損三千餘頃上歎息久之曰縣令字人之官不損猶應言損乃不仁如是乎貶澡南浦尉而嘉幹之關心民瘼後官侍郎秉正不阿爲奸相所害

黎景熙封容城男

黎逢唐代宗時登大厯十二年進士第爲人信義彰著名流所重白居易膠漆契詩收二句云死生不變者惟聞任與黎卽此人也事載唐詩紀事

黎熙爲史官直筆無私時號爲黎河信史

黎獻臣字忠卿號淮南宋賜進士由三禮出身歷任雷

州惠州太守奉祀惠州名宦祠并惠州郡署六君子堂事載廣惠事類賦

黎立武宋時人同游酢楊時等遊程子門所著有學庸奧旨微言傳於世并採入四庫全書

黎靖德宋朝人偕黃幹蔡沈等遊朱子門著有朱子語錄百卷傳世已採入四庫全書

黎錚宋真宗十一年狀元及第高明房是其後裔

黎二來明賜進士第誥授奉直大夫江京廣德州知州崇祀名宦鄉賢祠詳番禺志

黎氏家譜

卷一

上

黎永豪明封護國將軍屯田右千戶一時功業照耀人耳目

黎翼號水雲邑人經舉鄉賢後以著述少大憲未入奏公壽不永妻守節撫養孤兒成材鄉人慕其夫賢妻節爲建賢節祠奉祀祠成邑令陳士載爲撰祠堂記所著有水雲集事詳新會志

黎明民水雲翁子事母極孝百順咸至郡邑皆稱爲黎孝子著有黎氏家訓父子俱載邑志

黎元昌從化人崇祀鄉賢以聖賢之學傳家爲四代五

鄉賢之祖行述容俟再補

黎貫明賜進士第。誥授奉直大夫。陝西道監察御史。巡按江西。掌京畿河南道。前翰林院編修。卹贈尙寶寺少卿。崇祀郡邑鄉賢。事詳從化志。廣東志。

黎民表字惟敬。號瑤石。從化人。嘉靖甲午孝廉。有隱羅浮之志。以老母促之仕。官孔目。轉司務。辦內閣制敕事。擢職方員外。改戶部。浙江司監。通州倉轉餉。雪中召還。內閣掌制敕。侍經筵。預脩世宗實錄。成陞河南參議。尋致仕。素性坦夷。好讀書。過目成誦。爲文自成一家。言詩

黎氏家譜

卷一

七

則和平爾雅。出入建安梁陳之間。尤善書法。卒後購其紙輒數金。三朝掌故。凡有大制作。皆出其手。應制篇什甚衆。皆調諭得體。生平淡泊自甘。不問家人產貧。約如寒士。嘗與脩通志。著有瑤石山人稿。行世子邦彥登進士。此從廣東文獻鈔出。公爲嶺南後五子之一。其志事集中及國史方詳。此不過得其大概耳。

黎民衷。黎民衷。俱民表公胞弟。而民衷翁品行尤醇。元昌公。貫公民表。公民衷公。邦彥公。皆崇祀鄉賢祠。所謂四代五鄉賢是也。紀曉嵐稱瑤石集如鏤金錯采。原集